



JABATAN PERKHIDMATAN VETERINAR MALAYSIA

LAPORAN LIPUTAN MEDIA

05 JANUARI 2021

1. Tiga Pengarah, Kerani direman SPRM
2. Anjing barang kes hadir, tertuduh tak hadir
3. Ayam Uriane bongkar kegiatan
4. Empat suspek ditahan
5. Rampas dokumen pengimportan
6. Lelaki aniaya anjing kena waran tangkap
7. Segera manfaatkan MyHAC!
8. Meat cartel probe: MACC checking papers dating back to 2015
9. MACC studing firm's dokumens
10. 4 held over alleged connection to meat cartel

OLEH:

**SEKSYEN KOMUNIKASI KORPORAT
BAHAGIAN PERANCANGAN STRATEGIK DAN PENILAIAN VETERINAR
JABATAN PERKHIDMATAN VETERINAR MALAYSIA**

Empat individu disiasat berkait kes kartel daging

Tiga pengarah, kerani direman SPRM

Oleh KHAIRUL MOHD. ALI

JOHOR BAHRU – Tiga pengarah dua buah syarikat dan seorang kerani ditahan Suruhanjaya Pencegahan Rasuah Malaysia (SPRM) Johor berhubung kegiatan kartel daging sejuk beku import yang menipu logo halal.

Tiga lelaki dan seorang wanita yang berusia antara 39 hingga 50 tahun itu, ditahan ketika hadir ke pejabat SPRM Johor pada pukul 5 petang kelmarin.

Pihak SPRM kemudian mendapatkan perintah reman selama empat hari bermula semalam hingga Khamis ini di Mahkamah Majistret Johor Bahru.

Perintah reman itu dikeluarkan Penolong Pendaftar, Nur Izaty Muhammad Zahari.

Sementara itu, Pengarah SPRM Johor, Datuk Azmi Alias berkata, kesemua mereka terlibat dalam syarikat yang melakukan import dan borong.

“Siasatan terhadap suspek dibuat mengikut Seksyen 17B



EMPAT individu direman bagi membantu siasatan kes kartel daging sejuk beku import yang menipu logo halal di Johor Bahru semalam. – BAZLAN IBRAHIM

Akta SPRM 2009,” katanya ketika dihubungi semalam.

Pada 2 Disember lalu, Jabatan Perkhidmatan Kuarantin dan Pemeriksaan Malaysia (Maqis)

mendedahkan kegiatan membawa masuk daging sejuk beku import tanpa sijil halal sebelum meletakkan logo halal palsu untuk dijual di pasaran tempatan.

Anjing barang kes hadir, tertuduh tak hadir

SEBERANG PERAI — Mahkamah Sesyen Butterworth di sini semalam mengeluarkan waran tangkap ke atas seorang pekerja sambil lelaki kerana tidak hadir bagi berdepan pertuduhan kerana menganiaya anjing peliharaannya pada Mac tahun lalu.

Menurut Jabatan Perkhidmatan Veterinar (JPV) negeri, pihaknya dimaklumkan tertuduh yang berusia 51 tahun tidak dapat hadir kerana terlibat dalam kemalangan jalan raya semalam dan mengalami kecederaan, namun memberitahu akan menghantar wakilnya.

Bagaimanapun, wakilnya juga gagal hadir menyebabkan Pegawai Pendakwa Roziman Awang Tahrin memohon mahkamah mengeluarkan waran tangkap ke atas tertuduh.

Hakim Noor Aini Yusof kemudiannya membenarkan permohonan itu dan menetapkan tarikh sebutan semula kes pada 4 Februari depan.

Lelaki itu dijangka berdepan pertuduhan mengikut Seksyen 29(1)(e) Akta Kebajikan Haiwan 2015 yang jika didapati bersalah boleh didenda tidak kurang RM20,000 dan tidak lebih RM100,000 atau penjara tidak lebih tiga tahun atau kedua-duanya.

Sementara itu, anjing berkenaan sebagai barang kes turut dibawa ke mahkamah tersebut oleh pihak JPV.

Dalam kejadian pada 16 Mac tahun lalu, tertuduh dipercayai menganiaya anjing peliharaannya dengan memukul, mencekik dan melemparkan haiwan itu ke dinding hingga mengalami kesakitan di rumahnya di Taman Sentosa, Nibong Tebal di sini.

Kejadian kira-kira pukul 11.25 pagi itu disedari jiran tertuduh yang turut merakam video dan melaporkan kepada JPV.

Wakil JPV kemudiannya telah ke lokasi kejadian bagi siasatan lanjut dan menyelamatkan anjing baka tempatan berwarna putih itu.



WAKIL JPV membawa anjing yang menjadi mangsa penganiayaan oleh pemiliknya di Mahkamah Sesyen Butterworth, Seberang Perai semalam.

Oleh Mohd Jamilul
Anbia Md Denin,
Mohamed Farid Noh dan
Hazri A Bakar
anbia@yahoo.com.my

ISU KARTEL DAGING IMPORT

Ayam Ukraine bongkar kegiatan

Jobor Bahru

Penemuan ayam beku diimport dari Ukraine di gudang simpanan sebuah syarikat di Johor membongkar kegiatan empat individu termasuk seorang pengarah syarikat yang dipercayai terbabit dalam isu kartel daging import.

Negara Ukraine bukan negara diiktiraf bagi pengimportan daging ke negara ini berdasarkan senarai dikeluarkan Jabatan Perkhidmatan Veterinar.

KPDNHEP serbu gudang milik syarikat didaftarkan di Ulu Tiram

Semua ayam beku berkenaan dirampas Kementerian Perdagangan Dalam Negeri dan Hal Ehwal Pengguna Malaysia (KPDNHEP) dalam satu serbuan baru-baru ini.

Syarikat itu yang didaftarkan di Ulu Tiram di sini, beroperasi sejak 12 Oktober 2014 dan menjalankan per-

niagaan mengimport dan mengedar produk daging beku.

Rampasan ayam beku itu dilakukan KPDNHEP di gudang mereka di Senai, dekat sini.

Menu-

rut sumber, syarikat berkenaan mempunyai dua pengarah warga tempatan dan seorang daripada pengarah dikatakan

sudah melarikan diri dipercayai sejak kes kartel import daging

terbongkar.

Pengarah berkenaan yang berusia 42 tahun memiliki saham terbesar dalam syarikat ini.

Sebelum ini media mendedahkan kegiatan kartel yang mendalangi penyeludupan daging import dari negara sumber tidak sah termasuk yang diragui sta-

tus halal dan kualitinya, dipercayai 'membeli' sesetengah kakitangan kerajaan, termasuk pegawai kanan agensi tertentu bagi melepasi pemeriksaan di pintu masuk negara.

Kartel didakwa mempunyai 'orang dalam' di semua peringkat prosedur dan pemeriksaan di pintu masuk menyebabkan mereka 'kebal' sehingga mampu beroperasi lebih 40 tahun tanpa dikenakan sebarang tindakan.

Mengikut laporan awam yang diperoleh dari Suruhanjaya Syarikat Malaysia (SSM), syarikat itu merekodkan perolehan RM100 juta bagi tahun kewangan 2018 selain memiliki aset bernilai RM19 juta.

Ukraine bukan
negara diiktiraf bagi
pengimportan daging
ke negara ini



ANGGOTA SPRM mengiringi empat individu sebuah syarikat pengimport daging sejuk beku ke Mahkamah Majistret Johor Bahru untuk dapatkan tahanan reman, semalam.

Putrajaya: Suruhanjaya Pencegahan Rasuah Malaysia (SPRM) Johor menahan empat individu membabitkan pengarah, pengarah operasi serta kerani syarikat pengimport daging sejuk beku kerana disyaki terbahit rasuah berhubung isu penyeludupan bahan mentah sejuk beku dari negara yang dilarang untuk dibawa masuk ke Malaysia.

Sumber berkata, semua suspek berusia antara 39 hingga 50 tahun terbahit ditahan di pejabat SPRM Johor malam kelmarin bagi membantu siasatan.

"SPRM memandang serius perkara ini kerana ia membabitkan isu kepenti-

Empat suspek ditahan

ngan rakyat khususnya umat Islam di negara ini.

"Siasatan dijalankan mengikut Akta Suruhanjaya Pencegahan Rasuah Malaysia 2009. Kerjasama beberapa agensi seperti Kementerian Perdagangan Dalam Negeri dan Hal Ehwal Penggunaan (KPDNHEP), Jabatan Perkhidmatan Veterinar, Jabatan Perkhidmatan Kuarantin dan Pemeriksaan Malaysia (Maqis) dan Kastam Diraja Malaysia (KDRM) sudah diperolehi untuk mengenal pasti pengimport daging-daging berkenaan," katanya.

Susulan itu empat indi-

vidu terbahit dikenakan perintah reman selama empat hari oleh Mahkamah Majistret Johor Bahru, bermula semalam.

Perintah reman sehingga 7 Januari itu dikeluarkan Penolong Pendaftar Mahkamah Majistret Johor Bahru Nur Izzaty Muhammad, yang membenarkan permohonan Suruhanjaya Pencegahan Rasuah Malaysia (SPRM) bagi membolehkan siasatan dijalankan mengikut Seksyen 17(b) Akta Suruhanjaya Pencegahan Rasuah Malaysia 2009.

Dua lelaki dan seorang wanita yang ditahan adalah

pengarah, pengarah urusan dan kerani dari sebuah syarikat yang diwakili peguam Wan Muhd Ariff Ameer Wan Normazlan manakala seorang lagi lelaki adalah pengarah syarikat lain yang diwakili peguam Yap Che Kai.

Kesemua mereka yang berpakaian baju lokap SPRM berwarna oren tiba di perkarangan mahkamah kira-kira 9 pagi diiringi pegawai SPRM dengan menaiki kenderaan SPRM.

Sementara itu, Pengarah SPRM Johor Datuk Azmi Alias ketika dihubungi mengesahkan tangkapan itu.

Rampas dokumen pengimportan

Putrajaya: “Beberapa siri serbuan sudah dilakukan kami sejak dua minggu lalu. Rampasan turut dilakukan ke atas dokumen pengimportan daging dilakukan sebuah syarikat bermula tahun 2015,” kata Timbalan Ketua Pesuruhjaya Operasi Suruhanjaya Pencegahan Rasuah Malaysia (SPRM), Datuk Seri Ahmad Khusairi Yahaya.

Menurutnya, SPRM akan mengkaji semua dokumen dan akaun syarikat itu dalam usaha mengesan keseluruhan dalang termasuk anggota penguat kuasa yang terbabit dalam melindungi kegiatan ini.

Beliau mengulas tindakan SPRM menahan empat individu membabitkan pengarah, pengarah operasi serta kerani syarikat pengimport daging sejuk beku berhubung isu rasuah dalam kes penyeludupan bahan mentah daging sejuk beku yang dikatakan dibawa masuk secara tidak sah daripada beberapa negara yang tidak mendapat kelulusan pihak berkuasa.

Beliau berkata, tumpuan siasatan SPRM adalah terhadap dua aspek iaitu pertama berhubung kesalahan mengemukakan pengiystihan palsu dalam borang Kastam 1 oleh syarikat pengimport dan ejen yang mengendalikannya memasukkan bahan mentah sejuk beku ini.

“Aspek kedua ialah meneliti dan mengkaji sebarang bentuk pembayaran rasuah melalui akaun syarikat yang terbabit.

“Dalam setiap penyiasatan kami, elemen kerahsiaan dan kejutan amat penting. Sekiranya sesuatu kes

mendapat pendedahan yang luas di media massa, ia seolah-olah memberi peluang kepada mereka (perasuah dan pemberi) melupuskan semua bukti serta keterangan yang ada,” katanya kepada wartawan + Harian Metro.

Beliau berkata, tindakan berdiam diri bukan bermaksud agensi yang terbabit dalam penyiasatan kes ini tidak mengambil tindakan, sebaliknya pengumpulan bukti dan keterangan memerlukan masa dan penganalisaan yang teliti.

“Kalau kita terlalu membincangkan isu ini dalam media, maka ianya akan merumitkan penyiasatan dan memberikan persepsi negatif masyarakat,” katanya.



AHMAD Khusairi

Lelaki aniaya anjing kena waran tangkap

Butterworth: Mahkamah Sesyen di sini, semalam mengeluarkan waran tangkap ke atas seorang pekerja sambilan lelaki apabila gagal hadir bagi pertuduhan menganiaya anjing peliharaannya sehingga haiwan itu mengalami kesakitan pada Mac tahun lalu.

Terdahulu, Jabatan Perkhidmatan Veterinar (JPV) Pulau Pinang dimaklumkan tertuduh berusia 51 mempunyai sijil cuti sakit selama sebulan kerana cedera akibat kemalangan jalan raya, tetapi berjanji menghantar wakilnya.

Bagaimanapun, wakil atau peguamnya juga gagal hadir dengan memberi pelbagai alasan hingga sidang tertangguh.

Pegawai Pendakwa JPV, Roziman Awang Tahrin kemudi-

an memohon mahkamah mengeluarkan waran tangkap ke atas tertuduh.

Hakim Noor Aini Yusof membenarkan permohonan itu, dan menetapkan tarikh sebutan semula kes pada 4 Februari depan.

Dalam kejadian 16 Mac tahun lalu, tertuduh dipercayai menganiaya anjing peliharaannya dengan memukul, mencekik dan melemparkan haiwan itu ke dinding hingga mengalami kesakitan di rumahnya di Taman Sentosa, Nibong Tebal.

Kejadian berlaku jam 11.25 pagi disedari jiran di belakang rumah yang kemudian mengambil video dan melaporkan kepada pihak JPV.

Pihak JPV ke lokasi dan menyelamatkan anjing baka tempatan berwarna putih itu.

Tertuduh gagal hadir ke mahkamah kerana cuti sakit akibat kemalangan

KEMBALIKAN IMEJ JAKIM

Segera manfaatkan MyHAC!



Bersama
Dr Mohd Sukri
Hassan

R

Oleh kerana Jakim tidak mewajibkan analisis ke atas produk halal, ada antara makmal berkenaan sudah ditutup dan yang masih beroperasi sedang menunggu masa untuk tutup

Rakyat Malaysia dikejutkan dengan isu kartel daging sejuk beku di tengah-tengah pandemik Covid-19 yang belum selesai.

Tambahan pula dilaporkan perkara ini sudah berlaku selama 40 tahun yang memabutkan dua generasi.

Walaupun kesahihan tempoh masa itu belum dipastikan, yang pasti rakyat Malaysia beragama Islam amat marah dengan pendedahan itu.

Pelbagai komen dan ulasan di suarakan di media sosial sama ada yang membina atau sebaliknya.

Akibatnya, ramai pengguna mulai ragu-ragu untuk membeli produk daging beku dan tertanya-tanya jenama apakah yang terbahit?

Ada yang mengambil keputusan memulaukan terus produk daging sejuk beku dan memilih daging tempatan walau pun harganya lebih mahal.

Ini boleh memberikan kesan kepada jenama lain yang tidak terlibat dan juga produk-produk berasaskan daging seperti burger, bebola daging dan sausage.

Persijilan Halal Malaysia (Halal JAKIM) adalah terbaik di dunia dan menjadi rujukan bagi badan persijilan halal lain di dunia.

Oleh itu, isu kartel daging sejuk beku memberikan satu tamparan pada pihak Jabatan Kemajuan Islam Malaysia (Jakim) dan agensi lain yang terbahit dan ia perlu ditangani segera.

Sudah pasti pihak Jakim telah dan sedang mengambil langkah untuk membendung supaya perkara itu tidak berulang dan mengembalikan semula keyakinan rakyat terhadap tagline Jakim, 'Yakini Halal Malaysia'.

Jakim seperti yang diketahui mempunyai sebuah makmal analisis halalnya sendiri iaitu Pusat Analisis Halal Malaysia atau lebih dikenali sebagai Malaysia Halal Analysis Centre (MyHAC) yang menelan belanja sebanyak RM56.7 juta di Bandar Enstek, Nilai dan sudah beroperasi sejak 2015.

MyHAC dirasmikan pada 29 Mac 2018 dan ia mempunyai cukup kelengkapan peralatan makmal yang serba canggih.

Matlamat asal penubuhannya ialah untuk menjadi pusat rujukan analisis halal di dunia. Namun, sehingga sekarang kemampuannya masih belum



SUDAH tiba masanya ujian makmal dilakukan terhadap semua produk yang menggunakan logo halal.

terbukti. Semakan daripada portal Jakim menunjukkan MyHAC baru saja menjalani Penilaian (Pre-Assessment Audit) untuk MS ISO/IEC 17025 pada tahun ini dan hanya kaedah analisis alkohol yang dimohon setelah beroperasi hampir lima tahun.

Perkara ini amat memeranjatkan semua pihak dan Jakim perlu bergerak lebih pantas jika ingin menerajui bidang analisis halal sebagaimana digariskan pada awal penubuhannya.

Ada banyak lagi produk berasaskan daging yang menggunakan logo halal yang perlu dipantau oleh Jakim demi memastikan sesuatu produk itu melepasi ujian makmal setelah persijilan halal diberikan.

Ini perlu dilakukan dengan mengambil sampel rawak di pasaran dan melakukan ujian di makmal. Persijilan halal yang

bergantung kepada dokumen perisytiharan halal tanpa disertai dengan ujian makmal tidak boleh diamalkan lagi setelah terbongkarnya isu kartel daging sejuk beku.

Kaedah analisis halal terhadap daging yang disembelih dan tidak disembelih dibangunkan penyelidik di dalam atau di luar negara dan ia boleh dirujuk untuk diguna pakai.

Sebagai contoh artikel 'Review MEATabolomics: Muscle and Meat Metabolomics in Domestic Animals' oleh Susumu Muroya (2020) yang diterbitkan pada Mei 2020 oleh Metabolites.

Dalam artikel ini dibincangkan penggunaan teknik kemometrik untuk menganalisis data multivariate daripada kromatografi dan spektroskopi.

Ia boleh dirujuk sebagai panduan untuk membangunkan kaedah analisis dan mendapat akreditasi MS ISO/IEC 17025. Ini

penting supaya keputusan analisis diterima oleh mahkamah jika memabutkan pendakwaan.

Untuk langkah permulaan, Jakim boleh menggalakkan pengilang menghantar sendiri sampel untuk diuji di MyHAC atau makmal panel yang diiktiraf Jakim.

Ini boleh mendidik pengilang memahami kepentingan ujian makmal di samping memastikan status halal produk mereka sentiasa terjamin dan 'diyakini'. Terdapat beberapa universiti dan syarikat swasta yang sudah lama mempunyai makmal halal dan memperoleh sijil akreditasi MS ISO/IEC 17025 bagi analisis produk halal.

Oleh kerana Jakim tidak mewajibkan analisis ke atas produk halal, ada antara makmal berkenaan sudah ditutup dan yang masih beroperasi sedang menunggu masa untuk ditutup.

Penglibatan mereka dalam membantu industri halal negara perlu diambil perhatian kerana sebagai menyuat dasar kerajaan untuk menjadikan Malaysia sebagai peneraju bidang halal bukan saja bagi persijilan dan latihan malah dari sudut analisis halal.

Ujian makmal perlu dijalankan ke atas produk yang mempunyai logo halal Jakim supaya ia terus 'diyakini'.

Penulis Fellow Penyelidik International Fatwa and Halal Centre (IFFAH) Universiti Sains Islam Malaysia, Bandar Baru Nilai

dialog kotaraya oleh juragan





MEAT CARTEL INVESTIGATION

MACC STUDYING FIRM'S DOCUMENTS

Graft busters seized papers from meat import company 2 weeks ago, says deputy chief commissioner

KUALA LUMPUR

ALL related documents belonging to a frozen meat import company, believed to be involved in the halal meat cartel issue, were seized two weeks ago, said Malaysian Anti-Corruption Commission (MACC) deputy chief commissioner (Operations) Datuk Seri Ahmad Khusairi Yahaya.

He said the MACC would go through the documents, which

date back to 2015, and the company's accounts to track down the mastermind, including enforcement personnel involved in protecting the activities.

"The case is being investigated under Section 18 and Section 17 (a) of the MACC Act," he said yesterday.

When asked to comment on the detention of two directors and two employees of frozen meat import companies, Khusairi said the food items were imported illegally.

"The focus of the MACC investigation is on two aspects. The first one is the offence of submitting false declarations in Customs Form 1 by the import company and agents handling the process.

"The second aspect is to examine if there was any form of corruption, such as money being paid through the accounts of the company involved," he said.

He said in every MACC inves-

tigation, elements of secrecy and surprise were crucial if a case received widespread media exposure.

"It (media exposure) gives them (bribe giver and receiver) a chance to dispose of all the evidence.

"Being quiet does not mean that the agencies involved in the investigation are not taking any action as collecting evidence requires time and analysis."

Khusairi said if the MACC "discussed" this issue too much with the media, it would complicate the investigation and give a negative perception to the community.

The *New Straits Times* recently front-paged a report on senior government officers working

with a cartel to smuggle in non-certified meat into Malaysia and passing it off as halal-certified products.

Believed to have been active for over 40 years, the cartel imported meat from non-halal certified slaughterhouses in several countries.

Once shipped into Malaysia, the meat would be taken to a warehouse where it would be mixed with halal-certified meat and repacked with fake halal logos before entering the market.

Last month, Prime Minister Tan Sri Muhyiddin Yassin had ordered a special report on the scandal to be submitted to the government.

Muhyiddin's instruction was disclosed by Malaysian Quarantine and Inspection Services Department director-general Saiful Yazan Alwi during the *Ruang Bicara* programme on Bernama TV.

Muslim consumers and traders' groups have since urged people to refrain from buying imported beef until questions over the halal status are resolved.

Malaysia Muslim Consumers Association lead activist Datuk Nadzim Johan had last month claimed that based on insider information, those in the meat cartel had a hand in policy-making, with the latter pushing against breeding cows locally.

This move, he said, had led to Malaysia being heavily reliant on imported beef.

The association welcomed calls for the setting up of a Royal Commission of Inquiry on the issue. **Bernama**



Datuk Seri Ahmad Khusairi Yahaya

4 held over alleged connection to meat cartel

JOHOR BARU: The Malaysian Anti-Corruption Commission (MACC) has arrested four people over their alleged links to a meat cartel.

The suspects, aged between 30 and 50, comprised two directors and an employee of an import company, as well as a director of another company.

"The suspects have been remanded for four days starting today (Monday)," said Johor MACC director Datuk Azmi Alias.

He said Lower Court registrar Nur Izzaty Muhammad Zahari is-

sued the remand orders for the suspects.

"The case is being investigated under Section 17b (offering/giving gratification) of the Malaysian Anti Corruption Commission Act 2009," said Azmi.

Three of the suspects — two men and a woman who are the director, managing director and a clerk of one of the companies — are represented by lawyer Wan Muhd Ariff Ameer Wan Normazlan.

Lawyer Yap Che Kai is representing the director of the other company.



The meat cartel suspects being led to the magistrate's court in Johor Baru yesterday. PIC BY ZAIN AHMED

	SUBUH ↓ (am)	SYURUK ↓	ZUHUR ↓	ASAR ↓ (pm)	MAGRIB ↓	ISYAK ↓
Melaka	6:04	7:17	1:19	4:42	7:18	8:32
Penang	6:17	7:28	1:26	4:48	7:20	8:35
K. Lumpur	6:09	7:20	1:22	4:44	7:19	8:33
Johor Baru	5:56	7:10	1:13	4:36	7:13	8:27
Kuantan	6:02	7:15	1:16	4:39	7:13	8:23
Ipoh	6:13	7:23	1:24	4:47	7:19	8:34